



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00, 102/09 i 54/10), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2010. GODINU NOVI EKONOMSKI POKRET U BiH

Broj: 03-07-6-642/11  
Sarajevo, 20. februar 2012. godine

## SADRŽAJ

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA.....	5
Predmet pregleda i kontrole.....	5
Cilj pregleda i kontrole.....	5
Obim pregleda i kontrole.....	5
4. PRETHODNE KONTROLE I REVIZIJE.....	5
5. NALAZI I PREPORUKE.....	5
5.1. NALAZI: .....	5
5.2. PREPORUKE.....	6

## MIŠLJENJE REVIZORA

Služba za reviziju finansiranja političkih stranaka izvršila je pregled finansijskih izvještaja Novog ekonomskog pokreta u BiH i to: godišnjeg finansijskog izvještaja za 2010. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Opštih izbora, održanih u oktobru 2010. godine.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i članom 15.10 Izbornog zakona BiH i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

**(1) Na osnovu našeg pregleda, odnosno kontrole godišnjeg finansijskog izvještaja utvrđeno je da je Novi ekonomski pokret u BiH prekršio odredbe člana 11. stav (1), stav (3) i stav (4) Zakona o finansiranju političkih stranaka.**

**Pregledom, odnosno kontrolom godišnjeg finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.**

## 1. UVOD

Služba za reviziju finansiranja političkih stranaka ( u daljem tekstu: Služba za reviziju) izvršila je pregled finansijskih izvještaja Novog ekonomskog pokreta u BiH i to: godišnjeg finansijskog izvještaja za 2010. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Opštih izbora, održanih u oktobru 2010. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Novi ekonomski pokret u BiH iskazao je prihode u iznosu od 26.186,00 KM<sup>1</sup>, čija struktura je data u sljedećoj tabeli:

<b>Red. br.</b>	<b>Vrsta prihoda</b>	<b>Iznos u KM</b>	<b>Učešće u Uk.prih. %</b>
1	Članarina	3000,00	11,50%
2	Prilozi fizičkih lica	20.486,00	78,20%
3	Prilozi pravnih lica	2.700,00	10,30%
4	Prihodi od imovine	0,00	0,00%
5	Prihodi od pr.lica	0,00	0,00%
6	Prihodi od poklona	0,00	0,00%
7	Prihodi iz budžeta	0,00	0,00%
	<b>Ukupni prihodi:</b>	<b>26.186,00</b>	<b>100,00%</b>

U godišnjem finansijskom izvještaju stranka je iskazala ukupne rashode u iznosu 43.133,00 KM<sup>2</sup>.

## 2. PREDSTAVLJANJE POLITIČKE STRANKE

Naziv političke stranke: Novi ekonomski pokret u BiH. Skraćeni naziv: NEP u BiH.

Politička stranka je registrovana 09.03.2010. godine u Općinskom sudu Tuzla, broj upisa 032-0-Reg-10-000231.

Sjedište političke stranke je u Tuzli, JP SKPC Tuzla, ul. Bosne Srebrene bb ( ulaz A tribina , Sportski centar Mejdan).

Lica ovlaštena za zastupanje stranke su: Kasim Selimović, predsjednik stranke.

Lice ovlašteno za podnošenje finansijskih izvještaja za 2010. godinu je Šahsena Hadžiefendić.

Prema podacima iz godišnjeg finansijskog izvještaja za 2010. godinu, Novi ekonomski pokret u BiH nema niže nivoe organizovanja.

<sup>1</sup> Podaci iz Ispravljenog obrasca 3 (ukupni prihodi političke stranke) godišnjeg finansijskog izvještaja NEP za 2010. godinu, koji je dostavljen dana 17.10.2011. godine.

U godišnjem finansijskom izvještaju koji je CIK BiH dostavljen dana 04.05.2011. godine iskazani su Ukupni prihodi stranke u iznosu od 40.075,00 KM, od čega su: Članarine 3.000,00 KM, Prilozi fizičkih lica 32.875,00 KM i Prilozi pravnih lica 4.200,00 KM.

<sup>2</sup> Podaci iz Ispravljenog obrasca 4 (ukupni rashodi političke stranke) godišnjeg finansijskog izvještaja NEP za 2010. godinu, koji je dostavljen dana 17.10.2011. godine.

U godišnjem finansijskom izvještaju dostavljenom 04.05.2011. godine stranka je iskazala ukupne rashode u iznosu od 40.075,01 KM.

### 3. OPIS PREGLEDA I KONTROLE FINANSIJSKOG IZVJEŠTAJA

**Predmet pregleda i kontrole** je godišnji finansijski izvještaj Novog ekonomskog pokreta u BiH za 2010. godinu i finansijski izvještaj za period od dana podnošenja prijave za ovjeru za izbore do dana ovjere rezultata opštih izbora održanih u oktobru 2010. godine.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim pregleda i kontrole** finansijskih izvještaja Novog ekonomskog pokreta u BiH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na priloge fizičkih i pravnih lica i troškove predizborne kampanje- Opšti izbori 2010. godine.

### 4. PRETHODNE KONTROLE I REVIZIJE

Pregled finansijskih izvještaja se obavlja prvi put.

### 5. NALAZI I PREPORUKE

#### 5.1. NALAZI

**Na osnovu obavljenog pregleda i kontrole godišnjeg finansijskog izvještaja utvrđeno je da je Novi ekonomski pokret u BiH prekršio odredbe člana 11. stav (1), stav (3) i stav (4) Zakona o finansiranju političkih stranaka.**

a) U svom knjigovodstvu stranka nije uspostavila potpune evidencije o svim prihodima i rashodima koji su nastali u 2010. godini, čime je prekršila odredbe člana 11. stav (1) Zakona o finansiranju političkih stranaka.<sup>3</sup>

Služba za reviziju je utvrdila da Novi ekonomski pokret u BiH nema uspostavljene knjigovodstvene evidencije u skladu sa zakonskim propisima, odnosno nije vodio blagajničko poslovanje.

Takođe je utvrđeno da podaci o ukupnim prihodima iskazani u godišnjem finansijskom izvještaju za 2010. godinu ne odgovaraju podacima iz Bilansa uspjeha za 2010. godinu.<sup>4</sup> Naime, stranka je u obrascu 3 (ukupni prihodi političke stranke) iskazala ukupne prihode u iznosu od 26.186,00 KM, dok je u Bilansu uspjeha za 2010. godinu navedeno da je NEP u BiH ostvario ukupne prihode u iznosu 43.186,00 KM. Isto tako, stranka u Bilansu stanja nije iskazala obaveze, dok je u obrascu 5 (pozajmice, krediti i dugovi) godišnjeg finansijskog izvještaja navela obaveze po osnovu pozajmice u iznosu od 17.000,00 KM.

b) Kontrolom finansijskog izvještaja koji je stranka dostavila Centralnoj izbornoj komisiji BiH utvrđeno je da je stranka godišnji finansijski izvještaj dostavila nakon zakonom utvrđenog roka,

<sup>3</sup> Političke stranke vode evidenciju o svojim prihodima i rashodima. Politička stranka je obavezna da Centralnoj izbornoj komisiji BiH podnese finansijski izvještaj za svaku kalendarsku godinu (računovodstvenu godinu).

<sup>4</sup> Koji je stranka dostavila Agenciji za finansijske, informatičke i posredničke usluge u skladu sa računovodstvenim propisima.

odnosno 04.05.2011. godine, čime je prekršila odredbe člana 11. stav (3) Zakona o finansiranju političkih stranaka.<sup>5</sup>

- c) Obzirom da Novi ekonomski pokret u BiH nije na zahtjev Centralne izborne komisije BiH, broj: 03-07-6-642-2/11 od 20.06.2011. godine, dostavio dodatnu dokumentaciju (dokumentaciju o korištenju poslovnih prostorija za 2010. godinu, bruto bilans stranke na dan 31.12.2010. godine i glavnu knjigu sa kompletnim analitičkim evidencijama stranka za 2010. godinu), prekršene su odredbe člana 11. stav (4) Zakona o finansiranju političkih stranaka.

### **Troškovi predizborne kampanje**

Novi ekonomski pokret u BiH je postupio u skladu sa odredbama člana 15.10 Izbornog zakona BiH, odnosno u svrhu finansiranja troškova izborne kampanje je potrošio 9.607,69 KM.

Prema odredbama člana 15.10 Izbornog zakona BiH politička stranka za potrebe izborne kampanje ne smije potrošiti više od 0,30 odnosno 0,20 KM<sup>6</sup> po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije BiH, Novi ekonomski pokret u BiH je u svrhu izborne kampanje mogao da potroši 926.233,05 KM.

### **5.2. PREPORUKE:**

*Preporučuje se Novom ekonomskom pokretu u BiH da se pridržava odredbi Zakona o finansiranju političkih stranaka, a posebno na osnovu uočenih nedostataka se preporučuje:*

- *da postupa u skladu sa odredbama člana 11. stav (1), stav (3) i stav (4) Zakona o finansiranju političkih stranaka, odnosno:*

- *da vodi evidencije o svojim prihodima i rashodima,*
- *da finansijske izvještaje dostavlja u roku i na način koji je utvrđen Zakonom o finansiranju političkih stranaka i Pravilnikom o godišnjim finansijskim izvještajima političkih stranaka, i*
- *da dostavlja dodatnu dokumentaciju koju od njega zatraži Centralna izborna komisija BiH*

### **KOMENTAR**

U ostavljenom roku, Novi ekonomski pokret u BiH nije se očitovao na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2010. godinu, koji je dostavljen stranci 30.01.2012. godine.

Mr. Hasida Gušić, šef Službe za reviziju

Nevenko Andan, revizor

---

<sup>5</sup> Do 31.03. naredne godine političke partije podnose finansijski izvještaju formi koju odobri Centralna izborna komisija BiH. Ovaj izvještaj sadrži podatke utvrđene Izbornim zakonom. Centralna izborna komisija Bosne i Hercegovine donosi propise za provođenje odredbi kojima se bliže utvrđuju sadržaj, forma, način i drugi detalji izvještavanja.

<sup>6</sup> Član 15.10 stav (2) propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.